

法苑珠林卷第三十四

隸四

大唐上都西明寺沙門釋道世撰

攝念篇第二十八此有二部發願篇第二十九

述意部第一

法苑珠林

惟夫九情難禁譬等山猿常隨外境類同狂象三業或動緣構滋彰故佛立教令常制御

故經云當為心師不師於心身口意業不與惡交身戒心慧不動如山又經云制之一處無事不辦然心性或倒我見為先煩惑難攝亂使常行於一切時高舉煩屈自非託處寂靜摧伏三毒身不遊行口默緘言少睡多覺常坐省食思量正法知非有無直身正意繫念在前如斯等教是名攝念也

引證部第二

如增一阿含經云尔時世尊告諸比丘當修行十法便成神通去衆亂想至致涅槃一謂念佛二謂念法三謂念衆四謂念戒五謂念施六謂念天七謂念休息八謂念安般九謂

念身非常十謂念死當善修行

佛法聖衆念 戒施及天念 休息安般念

身死念在後 第一念佛者專精念佛如來

形相功德具足身智無崖周旋往來皆具知

之修行一法自致涅槃不離念佛便獲功德

是名念佛 第二念法者專精念法除諸欲

愛無有塵勞渴愛之心永不復興於欲無欲

離諸結縛諸蓋之病猶如衆香之氣無有瑕

疵亂想之念便成神通自致涅槃思惟不離

便獲功德是名念法 第三念衆者謂專精

念如來聖衆成就質直無有邪曲上下和穆

如來聖衆四雙八輩當敬承事除諸亂想自

致涅槃不離僧念便獲功德是名念僧

第四念戒者所謂戒者息諸惡故戒能成道

令人歡喜戒瓔珞身現衆好故猶如吉祥瓶

所願便冠除諸亂想自致涅槃不離戒念便

獲功德是名念戒 第五念施者謂專精念

施所施之上求無悔心無反報想快得善利

若人罵毀相加刀杖當起慈心不與瞋恚我所施者施意不絕除諸亂想自致涅槃不離施念便獲功德是名念施 第六念天者謂專精念天身口意淨不造穢行行戒成身身放光明無所不照成彼天身善業果報成彼天身眾行具足除諸亂想自致涅槃不離天釋 卷第十四念便獲功德是名念天 第七念休息者謂心意想息志性詳諦亦無卒暴恒專一心意樂閑居常求方便入三昧定常念不貪勝光上達除諸亂想自致涅槃不離休息便獲功德是名念休息 第八念安般者謂專精念安般者若息長時觀知我今息長若復息短亦當觀知我今息短若息極冷極熱亦當觀知我今息冷熱出入分別數息長短除諸亂想自致涅槃不離安般便獲功德是名念安般 第九念身者謂專精念身髮毛爪齒皮肉筋骨膽肝肺心脾腎大腸小腸胃直膀胱屎尿百葉滄蕩脾胞溺淚唾涕膿血脂羨鬪

髓腦等何者是身地種水種火種風種是也皆是父母所造從何處來為誰所造此之六根於此終已當生何處除諸亂想自致涅槃不離念身便獲功德是名念身 第十念死者謂專精念死此沒生彼往來諸趣命逝不停諸根散壞如腐敗木命根斷絕種族分離無形無響亦無相貌除諸亂想自至涅槃不離死念便獲功德是名念死而說偈曰 佛法及聖眾 乃至竟死念 雖與上名同 其義各別異 又分別功德論云第一念佛何事佛身金剛無有諸漏若行時足離地四寸千輻相文跡現於地足下諸虫七日安隱釋 卷第十四若其命終皆得生天昔有一惡比丘本是外道假服誹謗逐如來行自殺飛虫著佛跡麤言佛蹈殺然虫雖死遇佛跡麤尋還得活若入城邑足蹈門闥天地大動百種音樂不鼓自鳴諸齋育痘百病自除觀佛相好隨行得度功德所濟不可稱計惣會万行運載為先

所謂念佛其義如此 第二念法者法是無漏道無爲無欲佛者是諸法之主法者是結使之主法出諸佛法生佛道若然者何不先念法後念佛耶答曰法雖微妙無能知者猶若伏藏無處不有要籍通人示處方得自濟窮乏法亦如是理雖玄妙非如來不暢是以念佛在先稱法爲後 第三念僧者謂四雙八輩十二賢士捨世貪諍開導天人則是衆生良祐福田故昔有薄福比丘名梵摩達羅比丘也在千二百五十衆中令衆僧不得食莫知誰咎佛使分爲二部一部得一部不得復分不得爲二部半得半不得如是展轉乃至二人一得食一不得食乃知無福雖得至鉢自然消化佛愍其厄自手授食在於鉢中神力所制不能化去佛欲令現身得福故令二滅盡比丘以食飽此即時得福時波斯匿王聞此薄福佛愍與食我今亦當爲其設福即遣秬米時有一鳥飛來銜一粒米去使人

呵曰王爲梵摩達設福汝何以持去耶鳥即持還本處所以然者此比丘蒙僧福力鳥獸不能侵害也用是證知爲良福田既自度度人至三乘道念衆之法其義如此 第四念戒昔從五戒十戒二百五十至五百戒皆禁制身口斂諸耶非斂御六情斷諸欲念中表清淨乃應戒性昔有二比丘共至佛所路經曠澤頓乏水漿時有小池注水衆虫滿中一比丘深思禁律以無犯爲首若飲此水殺生甚多寧全戒殞命於是命終即生天上一比丘自念飲水全命可至佛所焉知死後當生何趣即飲虫水所害甚多雖得見佛啼泣向佛自云同伴命終佛拍一天曰汝識此天不此是汝伴以全戒功即生天上今來在此卿雖見我去我大遠彼雖喪命常在我所卿今見我正觀我肉形豈識真戒乎以是經云波羅提木义是汝大師若能持戒展轉行之即是如來法師常在而不滅也夫戒有三種一

是俗戒二是道戒三是定戒五八十具戒等
為俗戒無漏四諦為道戒三昧禪思為定戒
以慧御戒使成無漏乃合道戒聲聞家戒喻
若膝華動則解散大士持戒喻若頭上插華
行止不動小乘檢形動則越儀大士領心不
拘外軌大小軌異故以形心為殊內外雖殊
俱至涅槃故曰念戒也 又佛般泥洹經云
又欲近道當有四喜宜善念行一曰念佛意
喜不離二曰念法意喜不離三曰念眾意喜
不離四曰念戒意喜不離此四喜必令具
足而自了見當望正度求解身要可以除斷
地獄畜生餓鬼之道雖往來走天上人中不
過七生自得苦際 又三千威儀云當念有
五事一當念佛功德二當念佛經戒三當念
佛智慧四當念佛恩大難報五當念佛精進
乃至泥洹復有五事一當念比丘僧二當念
師恩三當念父母恩四當念同學恩五當念
一切人皆使解脫離一切苦 又處處經云

佛
朱林三

五

四

譬如大海中沙不能計知如人所作善惡殃
福前後所作不可復計要在命盡作惡逢惡
處作善逢善處殃福皆預有處亦預有父母
兄弟妻子眷屬等得道便止若不得道便不
斷絕佛語比丘當念自身無常有一比丘即
報佛言我念非常如人在世間極可至五十
歲佛言莫說是語復有一比丘言可三十歲
佛言莫說是語復有一比丘言可十歲佛言
莫說是語復有一比丘言可一歲佛言莫說是
語復有一比丘言可一月佛言莫說是語復
有一比丘言可一日佛言莫說是語復有一
比丘言可一時佛言莫說是語復有一比丘
言可呼吸間佛言是也佛言出息不還則屬
後世人命駿速在呼吸之間又毗尼母經云
若說法比丘復應常念觀身苦空無常無我
不淨莫使有絕何以故當得十二念成聖法
故何者十二念一念成就已身二念成就他
人三念願得人身四念生種性家五念於佛

法中得生信心六念所生處不加其功而得
悟法七念所生處諸根完具八念值佛世尊
出現於世九念所生處常得說正法十念願
所說法常得久住十一念願法久住得隨順
修行十二念常得憐愍諸眾生心故得此十
二念具足必得聖法 又雜阿含經云尔時

世尊告諸比丘過去世時有河中草有龜於
中住止時有野干飢行覓食遙見龜虫疾來
捉取龜虫見來即便藏六野干守伺冀出頭
足欲取食之久守龜虫未不出頭亦不出足
野干飢乏瞋恚而去諸比丘汝等今日亦復
如是知魔波旬常伺汝便冀汝眼著於色耳
聞聲鼻嗅香舌嘗味身著觸意念法欲令出
生染著六境是故比丘汝等今日當當執持
眼律儀住執持眼根律儀惡魔不得其便隨
出隨緣耳鼻舌身意亦復如是於其六根若
出若緣不得其便猶如龜虫野干不得其便
尔時世尊即說偈言

釋
本經三四

六

月

龜虫畏野干 藏六於殼內 比丘善攝心
密藏諸覺想 不依不怖彼 覆心勿言說
尔時世尊告諸比丘譬如士夫遊空宅中得
六種眾生一者得狗即執其狗繫著一處次
得其鳥次得毒蛇次得野干次得失收摩羅
次得猕猴得斯眾熟悉縛一處其狗者樂欲
入村其鳥者常欲飛空其蛇者常欲入穴其
野干者樂向塚間失收摩羅者長欲入海猕
猴者欲入山林此六眾熟悉縛一處各各嗜
欲到所安處各不相樂於他處所而繫縛故
各用其力向所樂方而不能脫如是六根種
種境界各各自求所樂境界不樂餘境界眼
常求可愛之色不可意色則生其厭耳鼻舌
身意亦復如是此六種根種種行處各各不
求異根境界其有力者堪能自在隨覺境界
如彼士夫繫六眾生是故當勤修習身念觀
尔時世尊告諸比丘譬如有四蛇地凶惡毒
熾盛一篋中時有士夫聰明求樂厭苦求生

獸死時有一士夫語向士夫言汝今取此醫
 地摩拭洗浴恩親養食出內以時若四毒地
 脫有惱者或能殺汝或令近死汝當防護介
 時士夫畏四毒地及五拔刀仗驅驅而走人
 復語言士夫內有六賊隨逐伺汝得便當殺
 汝當防護介時士夫畏四毒地五拔刀怨及

謀 朱三五

七

行

內六賊恐怖馳走還入空村見彼空舍危朽
 腐毀有諸惡物但皆危脆無有堅固人復語
 言士夫是空聚落當有六賊來必奪汝介時
 士夫畏四毒地五拔刀賊內六惡賊空村群
 賊而復馳走忽介道路臨一大河其水復急
 但見此岸有諸怖畏而見彼岸安隱快樂清
 淨無畏而無橋船可度得至彼岸作是思惟
 我取草木縛束成棧手足方便度至彼岸作
 是念已即拾草木依於岸傍縛束成棧手足
 方便截流橫度如是士夫免四毒地五拔刀
 怨六內惡賊復得脫於空村群賊度於彼流
 離於此岸種種怖畏得至彼岸安隱快樂我

說此譬當解其義比丘篋者譬此身色鹿四
 大四大所造精血之體穢食長養沐浴衣服
 無常變壞危脆之法毒地者譬如四大地界
 水界火界風界地若諍能令身死及以近死
 水火風諍亦復如是五拔刀怨者譬五受陰
 內六賊者譬六憂喜空村者譬六內入觀察
 眼入之處是無常變壞虛偽之法耳鼻舌身
 意亦復如是空村群賊者譬外六入處眼為
 可意不可意色所害耳聲鼻香舌味身觸意
 法亦復如是濬流者譬如四流欲流有流見
 流無明流河譬三愛欲愛色愛無色愛此岸
 多恐怖者譬有身彼岸清涼安樂者譬無餘
 涅槃棧者譬八正道手足方便截流度者譬
 精進勇猛得到彼岸婆羅門住處者譬如來
 應等正覺 又木患子經云時有難國王名
 波琉璃白佛言我國邊小頻歲寇賊五穀涌
 貴疫疾流行人民困苦我恒不安法藏深廣
 不得修行唯願垂矜賜我法要佛告王言若

欲滅煩惱障者當貫木患子一百八常以自隨至心無散稱南無佛陀南無達摩南無僧伽名乃過一木患子如是漸次度木患子若二十若百若干乃至百千萬若能滿二十萬遍身心不亂諸諛曲者捨命得生第三焰摩天衣食自然常安樂行若復能滿一百萬

律

卷三十四

八

本

遍者當斷除百八結業獲無上果王聞歡喜我當奉行佛告王曰有莎升比丘誦三寶名經歷十歲得成斯陀含果漸次修行今在普香世界作辟支佛王聞是已倍復修行又賢愚經云波羅柰國有居士字曰邈提此人子名優波邈提後年長大家貧煎煎父付財物居肆販賣有耶貫鞞阿羅漢往到其邊而為說法教使繫念以白黑石子用當籌算善念下白惡念下黑優波邈提奉受其教善惡之念輒投石子初黑偏多白者少漸漸修習白黑正等繫念不止更無黑石純有白者善念已盛遂得初果又辟喻經云昔有

人不信敬婦甚事佛婦白聳曰人命無常可修福德聳無心嬾墮婦恐將來入地獄中即復白聳懸一鈴安著戶上君出入時棠鈴作聲稱南無佛聳曰甚善如是經久其聳命終獄卒以之擲鑊湯中以棠鑊作聲謂是鈴聲稱南無佛獄官聞之此人奉佛放令出去得生人中又雜辟喻經云昔有五百賈客乘船入海值摩竭魚出頭張口欲食衆生時日少風而船去如箭薩薄主語衆人言船去太疾可捨忱如言捨下船去轉便不可得止薩薄主問樓上人言汝見何等我見上有兩日出下有白山中有黑山薩薄主驚言此是

律

卷三十四

九

大魚當柰何哉我與汝等今遭困厄入此魚腹無有活理汝等各隨所事一心求之於是衆人各隨所奉一心歸命求脫此厄所求逾篤船去逾疾湏臾不止當入魚口於是薩薄主告諸人言我有大神号名為佛汝等各捨奉神一心稱之時五百人俱發大聲稱南無

佛魚聞佛名自思惟言今日世間乃復有佛
 我當何忍傷害衆生即便閉口水皆倒流轉
 得遠魚五百賈人善心即生皆得解脫又大
 集經云譬如沙門自有頭髮生不知日長幾
 分如是菩薩罪生不能自知言我無罪者又
 雜阿含經今時世尊說偈言 善護於身口
 及意一切業 慙愧而自防 是名善守護
 余時世尊告諸比丘有二淨法能護世間何
 等爲二所謂慙愧假使世間無此二淨法者
 世間亦不知有父母兄弟姊妹妻子宗親師
 長尊卑之緒顛倒渾亂如畜生趣即說偈言
 世間若無有 慙愧二法者 違越清淨道
 向生老病死 世間若成就 慙愧二法者
 增長清淨者 永開生死門
 又惟無三昧經云佛告阿難善男子人求道
 安禪先當斷念人生世間所以不得道者但
 坐思想穢念多故一念來一念去一日一宿
 有八億四千万念念不息一善念者亦得

善果報一惡念者亦得惡果報如響應聲如
 影隨形是故善惡罪福各別 頌曰
 靜念遺志慮 有慮非理盡 境來投虛空
 虛空何所軫 託陰遊重冥 冥亡影迹墮
 四果皆欣求 一乘獨玄泯
 發願篇第二十九此有 述意部第一
 夫佛果變絕登之有階法雲峻極屆之有漸
 是以創發大誠則玄福招於極果初立弘誓
 則妙願遍於來際一念興行遂感塵劫之瑞
 華半刻虔躬乃得大千之甘露蓋是大乘之
 根基種智之津衢也 引證部第二
 如阿彌陀經云佛語阿難阿彌陀佛爲菩薩
諸時常奉行是二十四願珠珍寶愛重保持恭順
 何等爲二十四願 第一願使某作佛時令
 我國中無有泥黎禽獸薜荔蝻飛蠕動之類
 得是願乃作佛不得是願終不作佛 第二
 願使某作佛時令我國中無有婦人女人欲
 來生我國中者即作男子諸無央數天人民

蚰飛蠕動之類來生我國者於七寶水池蓮華中化生長大皆作菩薩阿羅漢都無央數得是願乃作佛不得是願終不作佛 第三願使某作佛時令我國土自然七寶廣縱甚大曠蕩無極自然軟好所居舍宅被服飲食都皆自然比如第六天王所居處得是願乃作佛不得是願終不作佛 第四願使某作佛時令我名字皆聞八方上下無央數佛國皆令諸佛各於比丘僧大座中說我功德國土之善諸天人民蚰飛蠕動之類聞我名字莫不慈心歡喜踊躍者皆令來生我國得是願乃作佛不得是願終不作佛 第五願使某作佛時令八方上下諸無央數天人民及蚰飛蠕動之類若前世作惡聞我名字欲來生我國者即便反正自悔過為道作善便持經戒願欲生我國不斷絕壽終皆令不復泥黎禽獸薜荔即生我國在心所願得是願乃作佛不得是願終不作佛 第六願使某作

釋

朱林三五

十一

第

佛時令八方上下無央數佛國諸天人民若善男子善女人欲來生我國用我故益作善若分檀布施遶塔燒香散華然燈懸雜繒綵飯食沙門起塔作寺斷愛欲齋戒清淨一心念我晝夜一日不斷絕皆令來生我國作菩薩得是願乃作佛不得是願終不作佛 第七願使某作佛時令八方上下無央數佛國諸天人民若善男子善女人有作菩薩道奉行六波羅蜜經若作沙門不毀經戒斷愛欲齋戒清淨一心念欲生我國晝夜不斷絕若其人壽欲終時我即與諸菩薩阿羅漢共飛行迎之即來生我國則作阿惟越致菩薩智慧勇猛得是願乃作佛不得是願終不作佛 第八願使某作佛時令我國中諸菩薩欲到地方佛國生者皆令不更泥黎禽獸薜荔皆令得佛道得是願乃作佛不得是願終不作佛 第九願使某作佛時令我國中諸菩薩阿羅漢面目皆端正淨潔殊妙悉同一色都

一種類比如第六天人得是願乃作佛不得是願終不作佛 第十願使某作佛時令我國中諸菩薩阿羅漢皆同一心所念欲所言者預相知意得是願乃作佛不得是願終不作佛 第十一願使某作佛時令我國中諸菩薩阿羅漢皆無有姪洩之心終無念婦女意終無有瞋怒愚癡者得是願乃作佛不得是願終不作佛 第十二願使某作佛時令我國中諸菩薩阿羅漢皆令心相敬愛終無相嫉憎者得是願乃作佛不得是願終不作佛 第十三願使某作佛時令我國中諸菩薩欲共供養八方上下無央數諸佛皆令飛行即到欲得自然萬種之物即皆在前持用供養諸佛悉皆得遍以後日未中時即飛行還我國得是願乃作佛不得是願終不作佛 第十四願使某作佛時令我國中諸菩薩阿羅漢欲飯時即皆自然七寶鉢中有自然百味飯食在前食已自然去得是願乃作佛不

律 朱林三十四

十一

公

得是願終不作佛 第十五願使某作佛時令我國中諸菩薩身皆紫磨金色三十二相八十種好皆令如佛得是願乃作佛不得是願終不作佛 第十六願使某作佛時令我國中諸菩薩阿羅漢語者如三百鍾聲說經行道皆如佛得是願乃作佛不得是願終不作佛 第十七願使某作佛時令我洞視徹聽飛行十倍勝於諸佛得是願乃作佛不得是願終不作佛 第十八願使某作佛時令我智慧說經行道十倍於諸佛得是願乃作佛不得是願終不作佛 第十九願使某作佛時令八方上下無央數佛國諸天人民蚰飛蠕動之類皆令得人道悉作辟支佛阿羅漢皆坐禪一心共欲計數知我年壽幾千億萬劫歲數皆令無有能極知壽者得是願乃作佛不得是願終不作佛 第二十願使某作佛時令八方上下各千億佛國中諸天人民蚰飛蠕動之類皆令作辟支佛阿羅漢皆

坐禪一心共欲計數我國中諸菩薩阿羅漢
知有幾千億萬人皆令無有能知數者得是
願乃作佛不得是願終不作佛 第二十一
願使某作佛時令我國中諸菩薩阿羅漢壽
命無央數劫得是願乃作佛不得是願終不
作佛 第二十二願使某作佛時令我國中

練

卷第三十四

三

第

諸菩薩阿羅漢皆智慧勇猛自知前世億萬
劫時宿命所作善惡却知無極皆洞視徹知
十方去來現在之事得是願乃作佛不得是
願終不作佛 第二十三願使某作佛時令
我國中諸菩薩阿羅漢皆智慧勇猛頂中皆
有光明得是願乃作佛不得是願終不作佛
第二十四願使某作佛時令我頂中光明絕
好勝於日月之明百千億萬倍絕勝諸佛光
明能照諸無央數天下幽冥之處皆當大明
諸天人人民蚰飛蠕動之類見我光明莫不慈
心作善者皆令來生我國得是願乃作佛不
得是願終不作佛佛告阿難阿彌陀佛為善

薩時當奉行是二十四願不犯道法絕去財
色精明求願積功累德無央數劫今致作佛
悉皆得之不亡其功也又佛說滅十方真經
云時有釋種童子名面善悅來白佛言唯天
中天今我二親身不安和橫為非人所見侵
婬晝夜寤寐不得寧息出入行步亦見逼惱
或遭非人妖蠱姦邪無以防護唯願世尊告
示以法隨時救濟令無婬害佛告面善悅當
為汝說擁護之法 佛言東方去此過于八
千那術佛土有世界名拔眾塵勞其佛号等
行如來今現在說法人若東行先當稽首歸
命供養於東方佛則無恐懼莫敢侵婬有所
興作悉當如願 佛告童子南方去此過于
十億百千億土有世界名消真等要脫其佛
号初發心念離恐懼歸依超首如來今現在
說法若欲南行當遙稽首歸命彼佛專意不
離則無恐懼不遇患難 佛告童子西方去
此如恒河沙諸佛刹土有世界名善選擇其

佛号金剛步迹如來今現在說法若欲西行先當稽首禮於彼佛一心歸命則無恐懼不逢患難 佛告童子北方去此過二万佛土有世界名覺辯其佛号寶智首如來今現在說法若欲行設在家居稽首作禮歸命彼則無恐懼不遇患難 佛告童子東北方去此

錄

朱三十四

十四

寺

過于百万億佛土有世界名持所念其佛号壞魔慢獨步如來今現在說法若諸東北方當遙稽首歸命彼佛所在獲安則無所畏 佛告童子東南方去此過二恒河沙等佛土有世界名常照曜其佛号初發心不退轉輪成首如來今現在說經若東南方行先當稽

首五體投地一心歸命然後乃進則無恐懼 佛告童子西南方去此過于八万佛土有世界名覆白交露其佛号寶蓋照空如來今現在說法若西南行先當稽首彼方如來以華遙散念於無相然後乃進則無恐懼 佛告童子西北方去此過六恒河沙佛之刹土有

世界名住清淨其佛号開化菩薩如來今現在說法若西北方行先禮彼佛自歸悔過淨修梵行然後出家則無恐懼 佛告童子下方去此過九十二娑佛之刹土有世界名念無倒其佛号念初發意斷疑拔欲如來今現在說法若欲坐時若夜卧時念斯如來誓首自歸常以普慈念救衆生然後坐卧則無恐懼所願必果 佛告童子上方去此過六十恒河沙等佛土有世界名離諸恐懼無有處所其佛号消真等超王如來今現在說法若從坐起常禮彼佛自歸供養則無恐懼所至獲安 佛言童子假使有人受此經典諷讀

錄

朱三十四

十五

寺

誦為他人說具足備悉令不缺減速成所願終無恐懼若到縣官不見侵枉若行賊中不見危害若行大火中即為消滅若行大水中終不沒溺天龍鬼神弊惡之神無敢觸者諸惡獸無敢近者諸鬼魍魎無能燒者若在閑居獨處則為如來之所擁護佛說如是帝釋

善面悅童子等聞經歡喜作禮而退 又地持論云菩薩發願略說五種一發心願二生願三境界願四平等願五大願彼菩薩初發無上菩提心是名發心願願未來世為眾生故隨善趣生是名生願願正觀諸法無量等諸善根思惟境界是名境界願願未來世一切菩薩善攝事是名菩薩平等願大願者即平等願 菩薩又說十種大願一者願一切種供養供養無量諸佛 二者願護持一切諸佛正法 三者願通達諸佛正法 四者願生兜率天乃至般涅槃 五者願行菩薩一切種正行 六者願成熟一切眾生 七者願一切世界悉能現化 八者願一切菩薩一心方便以大乘度 九者願一切正行方便無礙 十者願成無上正覺 是菩薩住於初地方便淨信現在修行於未來事生十大願 一者以清淨心常願供養一切諸佛二者受持守護諸佛正法三者勸請諸佛

轉未曾有法四者順行菩薩正行五者一切器界具足成熟六者一切世界悉能現他七者自淨佛土八者一切菩薩同一方便以大乘化九者利益眾生一切不空十者一切世界得阿耨菩提作一切佛事

如是大願能生無量百千大願不離眾生界不離世間此諸大願生生常行終不忘失又華嚴經云諸佛子菩薩住歡喜地以十願為首生如是等百萬阿僧祇大願以不可盡法而生是願為滿是願勤行精進何等為十一眾生不可盡二世界不可盡三虛空不可盡四法界不可盡五涅槃不可盡六佛出世不可盡七諸佛智慧不可盡八心所緣不可盡九起智不可盡十世間轉法輪智轉不可盡若眾生盡我願乃盡乃至起智轉盡我願乃盡而眾生乃至起智諸轉實不可盡我諸願善根亦不可盡 又文殊師利問菩提經云尔時天子問文殊師利言菩薩有幾心能攝

因能攝果文殊答言諸菩薩有四心能攝因攝果何等為四一初發心二行道心三不退轉心四一生補處心初發心為行道心作因緣行道心為不退轉心作因緣不退轉心為一生補處心作因緣也 又初發心如種穀田中行道心如穀子增長不退轉心如華果始成補處心如華果有用 又初發心如車匠集材行道心如斫治材木不退轉心如安施材木一生補處心如車成運致 又初發心如月新生行道心如月五日不退轉心如月十日一生補處心如月十四日如來智慧如月十五日 又初發心能過聲聞地行道心能過辟支佛地不退轉心能過不定地一生補處心安住定地 又初發心如病者求藥行道心如分別藥不退轉心如病服藥補處心如病得瘥 又大集經云尔時舍利弗白佛言世尊菩薩初發無上菩提心時聞諸衆生有如是行不驚不怖是事實難不可思

釋 朱三古

七

行

議佛言舍利弗於意云何如師子雖復初產聞師子吼有怖畏不不也世尊菩薩摩訶薩初發無上菩提心時聞衆生行亦復如是舍利弗於意云何火熱雖小畏乾薪不不也世尊菩薩初發無上菩提心已得智慧火亦復如是舍利弗今以非喻為喻舍利弗譬如猛火與諸乾薪結期七日當大戰鬪尔時一切乾樹草木種種枝葉悉共合聚如須弥山尔時猛火有一親友而告之言汝今何故不自莊嚴多覓有救援助彼衆汝唯一已何能當之時火答言彼怨雖多我力能敵不須伴黨舍利弗菩薩摩訶薩亦復如是雖諸煩惱悉共和合其勢熾盛菩薩智慧力能消伏如阿伽陀一九之藥能破大毒菩薩智慧亦復如是小智慧藥能壞無量大煩惱毒 又佛本行經云尔時佛告諸比丘僧作如是言汝諸比丘我念往昔久遠之時有一貧人以乞自活從一城至波羅柰城至彼城已其城所有

乞人見者皆呵責言汝從何來而至於此遂遮不聽遊行告乞尔時彼人見有障礙作是思惟我於彼輩無有過失何故障我而乞告也於時波羅柰城有一長者遺失銅鉢時彼長者求覓銅鉢所在不獲因求鉢故至餘一村時彼乞人於糞聚中得彼銅鉢掛於杖頭將來往入波羅柰城從街至街從巷至巷從此交巷至彼交巷從此隅角至彼隅角口唱是言此之銅鉢是誰之物識者收取而彼遊歷處處東西求覓其主了不能得既不得主便即往至付梵德王乃至長者後聞有人從彼糞中得銅鉢掛於杖頭將來入彼波羅柰城處處遊訪不知主處既不得主便付梵德王既聞是已到梵德王邊到已白言大王當知前者乞人所奉銅鉢是我之物時梵德王遣使往喚彼之乞人而語之言汝於前者所送銅鉢今此長者云是我許其事如何彼人即白梵德王言如是大王我本不知彼之銅

鉢

朱三五

十八

本

鉢是誰之物在糞聚中我既得已即掛杖頭將來入城東西訪問不知主處遂奉大王任王所用尔時梵德聞彼語已心大歡喜而告彼言人者汝今欲於我邊乞何等願我當與汝而彼銅鉢還其長者尔時彼人白梵德王作如是言大王今若必欲歡喜與我願者願王於此波羅柰城所有乞人用我為乞人王也時梵德王復告彼言今者何用與彼乞兒而為王也但當更乞諸餘好願或金或銀或索國中最勝村落用為封邑我即與汝時彼乞人復白王言王若歡喜與我願者我今正欲彼前所願王遂報言任汝所樂隨汝作耳尔時在彼波羅柰城合有五百乞兒依住彼乞願者悉喚令集而告之言我今得與汝等為王汝等必當聽我處分時諸乞人問彼王言汝今云何處分我等令作何事時彼人言汝等相共或有捉我置髀上者或有取我而背負者自餘皆悉為我左右圍遶而行而彼

五百諸乞兒輩聞彼證已即從處分或有饗者或背負者處處遊行所有飲食坐席之所即往彼乞乞已將向一處分張而共食噉如是方便多時活命時有一乞人屏處獨食摩呼茶迦隋言歡喜丸也爾時乞王從其人邊奪取彼食已將走其王徒眾五百乞兒逐彼王走至

於遠處皆悉疲乏既疲乏已悉各迴還其彼乞王身力壯健走而不乏更至遠已迴頭望看五百乞兒悉皆不見既不見已入一園內取水洗手坐於一邊欲食彼食未食之間便生悔心我今不善我今何故於彼人邊奪取其食更復誑我隨從人輩此食既多我食不盡若世間內有諸聖人願知我意而來此者我即分與發是心已有辟支佛名曰善賢從虛空飛騰而來在彼人前從空直下去其不遠其人遙見彼辟支佛威儀序行步齊亭舉動得所不緩不急見如是已於彼辟支佛所心得淨信得淨信已作如是念由我往昔

所受貧煎及以現在皆悉不值如是福田於如是人不行布施恭敬供養我昔若值如是福田今日應不遭斯困頓亦不應被他逼切而得活命我今將此食奉上仙人未審此仙受納以不若蒙受者願我將來免此貧煎困厄之身作是念已即將此食奉此仙人然辟支佛有如是法唯現神通教化眾生更無別法時辟支佛受取彼食從地騰空而去其人見彼歡喜踊躍遍滿其體不能自勝以歡喜故頂戴拍掌遙禮彼尊辟支佛足作是禮已心發是願願我此身於未來世恒常值遇如是世尊或勝此者而彼世尊所說之法願我一聞速得證解又願我於未來世中在大威德豪族姓家為王治化更莫在彼貧兒之內復作是願生生世世不墮惡道 佛告諸比丘作如是言汝諸比丘若有心疑於彼之時波羅柰城乞兒之王施辟支佛摩呼茶迦此是誰者莫作異見婆提唎迦比丘是也時乞

兒王施辟支佛食因彼業果今生釋種大豪
貴族資財無乏少由昔願故今得正位又由
昔願不墮惡道恒生人天多受快樂又由昔
願今值於我而得出家受具足戒得羅漢果
我又授記於我聲聞弟子之中豪姓出家最
第一者婆提唎迦比丘是也 頌曰

賢人慕高節 志願菩提因 御鶴翔伊水
策馬出王田 本祈立弘誓 感報弥陀身
能仁修八正 超逾九劫前 聲流遍三界
慈悲通大千 掩塵息妄想 九聖並欣然
含生同志趣 保益啓心神 生死必永盡
豈同莊老仙 沈茂敬書

法苑珠林卷第三十四

建安公集卷利

法苑珠林卷第三十五

大唐上都西明寺沙門釋

道世撰

五 隸

法服篇第三十

此有六部

然燈篇第三十一

述意部 功能部 會名部
濟難部 感報部 違損部

夫袈裟為福田之服如敬佛塔泥洹僧為觀
身之衣尊之如法衣名銷瘦取能銷瘦煩惱
鎧名忍辱取能降伏眾魔亦喻違華不為汙
泥所染亦名幢相不為邪眾所傾亦名田文
之相不為見者生惡亦名救龍之服不為金
鳥所食亦名降邪之衣不為外道所壞亦名
不正之色不為俗染所貪是以教有內外之
別人有世俗之異在家則依乎外教服生王
之法服順先王之法言上有敬親事君之禮
下有妻子官榮之戀此則恭孝之躅理叶儒
津出家則依乎內教服諸佛之法服行諸佛
之法行上捨君親愛敬之重下割妻子官榮